


韓愈

竹居狻廬

全唐文

卷五百四十八之五百五十一

卷之二



竹居文集

全宋文卷之二

欽定全唐文卷五百四十八目錄

韓愈 二

為裴相公讓官表

進撰平淮四碑文表


論捕賊行賞表

論佛骨表

潮州刺史謝上表

貞冊尊號表

袁州刺史謝上表



賀皇帝卽位表

賀赦表

賀冊皇太后表

賀慶雲表

慰國哀表

請上尊號表

賀雨表

韓愈

韓愈全集文卷五十四十八目錄

欽定全唐文卷五百四十八

韓愈

二

為裴相公讓官表

臣某言伏奉今日制書以臣為朝議大夫守中書侍郎同
中書門下平章事承命驚惶魂爽飛越俯仰天地若無所
容臣某誠惶誠恐頓首頓首臣少涉經史粗知古今天與
朴忠性惟愚直知事君以道無憚殺身慕當官而行不求
利己人以為拙臣行不疑元和之初始拜御史旋以論事
過切為宰臣所非移官府廷因佐戎幕陛下恕臣之罪憐

臣之心拔居侍從之中遂掌絲綸之重受恩益大顧已益
輕苟耳目所聞知心力所迨及少關政理輒以陳聞於裨
補無涓埃之微而讒謗有邱山之積陛下知其孤立賞其
微誠獨斷不謀將待踰量臣誠見陛下具文武之德有神
聖之姿敬中興之宏圖當太平之昌運勤身以儉與物無
私威怒如雷霆容覆如天地實羣臣盡節之日才智效能
之時聖君難逢至德宜報苦心焦思以日繼夜苟利於國
知無不爲徒欲竭愚未免妄作陛下不加罪責更極寵光
旣領臺綱又毗邦憲聖君所厚凶逆所讐關於防虞幾至

斃蹈恩私曲被性命獲全忝累祖先玷塵班列未知所措
祇自內慚豈意陛下擢臣於傷殘之餘委臣以燮和之任
忘其陋污使佐聖明此雖成湯舉伊尹於庖廚高宗登傅
說於版築周文用呂望於屠釣齊桓起甯戚於飯牛雪恥
蒙光去辱居貴以今準古擬議非倫陛下有四君之明行
四君之事微臣無四子之美獲四子之榮豈可叨居以彰
非據方今干戈未盡戢夷狄未盡賓麟鳳龜龍未盡游郊
藪草木魚鼈未盡被雍熙當大有為之時得非常人之佐
然後能上宣聖德以代天工如臣等類實不克堪伏願博

金定全唐文 卷五百四十八
選周行旁及巖穴天生聖主必有賢臣得而授之乃可致
理乞迴所授以叶羣情無任懇款之至

進撰平淮西碑文表

臣某言伏奉正月十四日勅牒以收復淮西羣臣請刻石
紀功明示天下為將來法式陛下推勞臣下允其志願使
臣撰平淮西碑文者聞命震駭心識顛倒非其所任為愧
為恐經涉旬月不敢措手竊惟自古神聖之君既立殊功
異德卓絕之跡必有奇能博辯之士為時而生持簡操筆
從而寫之各有品章條貫然後帝王之美巍巍煌煌充滿

天地其載於書則堯舜二典夏之禹貢殷之盤庚周之五
誥於詩則元鳥長發歸美殷宗清廟臣工小大二雅周王
是歌辭事相稱善并美具號以爲經列之學官置師弟子
讀而講之從始至今莫敢指斥嚮使撰次不得其人文字
曖昧雖有美實其誰觀之辭跡俱亡善惡惟一然則茲事
至大不可輕以屬人伏惟唐至陛下再登太平剗刮羣姦
埽灑疆土天之所覆莫不賓順然而淮西之功尤爲俊偉
碑石所刻動流億年必得作者然後可盡能事今詞學之
英所在森列儒宗文師磊落相望外之則宰相公卿郎官

博士內之則翰林禁密游談侍從之臣不可一二遽數
而使之無有不可至於臣者自知最爲淺陋顧貪恩待趨
以就事叢雜乖戾律呂失次乾坤之容日月之九知其不
可繪畫強顏爲之以塞詔旨罪當誅死其碑文今已撰成
謹鈔封進無任慚羞戰怖之至

論捕賊行賞表

臣愈言臣伏見六月八日勅以狂賊傷害幸臣擒捕未獲
陛下悲傷震悼形於寢食特降詔書明立條云有能捉
獲賊者賜錢萬貫仍加超授今丁手賊等分之內已得

三其餘兩人蓋不足計根尋蹤跡知自承宗再改詔
絕其朝請又與王士則士平等官八日之制無不行獨
有賞錢尚未賜給羣情疑惑未測聖心聞初載淺置市之
日市中觀者日數萬人巡繞瞻視咨嗟歎息既去復來以
至日暮百姓小人重財輕義不能深達事體但見不給其
賞便以爲朝廷愛惜此錢不守言信自近傳遠無由辯明
且出賞所以求賊今賊已誅斬若無人捉獲國家何因得
此賊而正刑法也承宗何故而賜誅絕也士則士平何故
與美官也三事旣因獲賊獲賊必有其人不給賞錢實亦

難曉假如聖心獨有所見審知不合加賞其如天下百姓
及後代久遠之人哉况今元濟承宗尚未擒滅兩河之地
大半未收隴右河西皆沒戎狄所宜大明約束又信在言
前號令指麾以圖功利况自陛下卽位以來繼有不績軒
楊惠琳收夏州斬劉闢收劔南東西川斬李錡收江東縛
盧從史收澤潞等五州威德所加兵不汚刃收魏博等六
州致張茂昭張愔收易定徐泗濠等五州創業已來列聖
功德未有能高於陛下者可謂赫赫巍巍光照前後矣此
由天授陛下神聖英武之德爲巨唐中興之君宗廟神靈

所共祐助勉強不已守之以信則故地不足收而太平不
難致如乘快馬行平路遲速進退自由其心有所欲往無
不可者於此之時特宜示人以信孔子欲存信去食人非
食不生尚欲捨生以存信况可無故而輕棄也昔秦孝公
用商鞅爲相欲富國強兵行令於國恐人不信立三丈之
木於市南門募人有能徙置北門者與五十金有一人徙
之輒與五十金秦人以君言爲必信法令大行國富兵強
無敵天下三丈之木非難徙也徙之非有功也孝公輒與
之金者所以示其言之必信也昔周成王尚小與其弟叔

虞爲戲削桐葉爲珪曰以晉封汝其臣史佚因請擇日立
叔虞爲侯成王曰吾與之戲耳史佚曰天子無戲言言之
則史書之禮成之樂歌之於是遂封叔虞於晉昔漢高祖
出黃金四萬斤與陳平恣其所爲不問出入令謀項羽平
用金閒楚數年之間漢得天下論者皆言漢高祖深達於
利能以金四萬斤致得天下以此觀之自古以來未有不
信其言而能有大功者亦未有不費小財而能收大利者
也臣於告賊之人本無恩義彼雖獲賞了不關臣所以區
區盡言不避煩黷者欲令陛下之信行於天下也伏望恕

臣愚陋僻憊之罪而收其懇款誠至之心天下之幸非臣之幸也謹奉表以聞臣愈誠惶誠恐

論佛骨表

臣某言伏以佛者夷狄之一法耳自後漢時流入中國上古未嘗有也昔者黃帝在位百年年百一十歲少昊在位八十年年百歲顓頊在位七十九年年九十八歲帝嚳在位七十年年百五歲帝堯在位九十八年年百一十八歲帝舜及禹年皆百歲此時天下太平百姓安樂壽考然而中國未有佛也其後殷湯亦年百歲湯孫太戊在位七十

五年武丁在位五十九年書史不言其年壽所極推其年數益亦俱不減百歲周文王年九十七歲武王年九十三歲穆王在位百年此時佛法亦未入中國非因事佛而致然也漢明帝時始有佛法明帝在位纔十八年耳其後亂亡相繼運祚不長宋齊梁陳元魏以下事佛漸謹年代尤促惟梁武帝在位四十八年前後三度捨身施佛宗廟之祭不用牲牢晝日一食止於菜果其後竟爲侯景所逼餓死臺城國亦尋滅事佛求福乃更得禍由此觀之佛不足事亦可知矣高祖始受隋禪則議除之當時羣臣材識不

遠不能深知先王之道古今之宜推闡聖明以救斯弊其事遂止臣常恨焉伏惟睿聖文武皇帝陛下神聖英武數千百年已來未有倫比卽位之初卽不許度人爲僧尼道士又不許創立寺觀臣嘗以爲高祖之志必行於陛下之手今縱未能卽行豈可恣之轉令盛也今聞陛下令羣僧迎佛骨於鳳翔御樓以觀昇入大內又令諸寺遞迎供養臣雖至愚必知陛下不惑於佛作此崇奉以祈福祥也直以年豐人樂徇人之心爲京都士庶設詭異之觀戲翫之具耳安有聖明若此而肯信此等事哉然百姓愚冥易惑